

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Ndalimi i importeve të mishit nga Brazili/ Përpunuesit paralajmërojnë rritje të çmimeve deri në 40%
ADRESA	https://www.cna.al/aktualitet/ndalimi-i-importeve-te-mishit-nga-brazili-perpunuesit-para-lajmerojne--i475441
BURIMI	cna.al
GJENDJA	online

KOHA

KAPUR NGA NE	29 shtator 2026, 05:40:54 UTC <i>Dritarja jonë e pasigurisë: ± 900 s — intervali me të cilin e kontrollojmë këtë burim.</i>
DEKLARUAR NGA PORTALI	29 shtator 2026, 05:36:00 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	7b8803692abce502101fef3f5895973d184180ca688ccdf7c8236aace67b7b66
TEKSTI	7c2cdf246042434ae0bfbe1ab325a037405146c7b578d7f0876febb979634380
PAMJA	025e6231235ee98c981a5ee195506ba8de79d961f44ceb368bcb2cdc0ab4bada

ZINXHIRI I PROVËS

KJO HYRJE	23c2358b78eff14d586a86d0f4d55e7a454c4c833e2a6610be84d05bd027a25f
E MËPARSHMJA	—
RRËNJA MERKLE	5eafe312c168c8cb7947308588661084dd025e8060ada60f7d94b18122ee4218
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet, në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/23c2358b78eff14d586a86d0f4d55e7a454c4c833e2a6610be84d05bd027a25f>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



- [AKTUALITET](#)
- [POLITIKË](#)
- [KRONIKA](#)
- [EKONOMI](#)
- [SOCIALE](#)
- [DENONCIM](#)
- [STIL](#)
- [SPORT](#)
- [TECH](#)
- [KULTURE](#)
- [BLOG](#)
- [LIVESTREAM](#)



English
English

E fundit!

x

07:36 Aktualitet

Pas ndërprerjeve të importeve nga Brazili, përpunuesit e m...

Ndalimi i importeve të mishit nga Brazili/ Përpunuesit paralajmërojnë rritje të çmimeve deri në 40%



29 Shtator 2026, 07:36, Aktualitet CNA



Pas ndërprerjeve të importeve nga Brazili, përpunuesit e mishit paralajmërojnë se prej muajit nëntor në tregun vendas pritet që çmimet e mishit të freskët të viçit, të pulës dhe nënprodukteve rriten nga 12 deri në 40%.

Prej 3 shtatorit 2026, Shqipëria nuk lejon më importin e mishit të gjedhit dhe mishit të shpendëve nga Brazili, si pasojë e ndryshimeve në rregullat europiane për importin e produkteve me origjinë shtazore.

Disa nga përpunuesit kryesorë të mishit të kontaktuar nga Monitor pohuan se efektet e ndalimit të importit ende nuk kanë nisur të reflektohen në çmimet e pakicës për konsumatorin, pasi kompanitë vazhdojnë të përdorin furnizimet e siguruar përmes kontratave të lidhura përpara datës 3 Shtator.

Por rezervat në magazina sipas përpunuesve mund të zgjasin deri në 2 muaj, gjatë periudhës shtator-tetor. Për këtë arsye, ndryshimi i kostove pritet të nisë të reflektohet më dukshëm në treg nga muaji nëntor, ndërsa piku i rritjes së çmimeve pritet gjatë muajit dhjetor.

Por sipas tyre aktualisht çmimet e mishit të viçit dhe të pulës për import në Europë janë nga 12 deri 40% më të shtrenjta sesa Brazili. Çmime më të shtrenjta sesa Brazili importuesit pa hasin edhe për alternativa të tjera furnizuese, si në Paraguaj, Argentinë dhe Uruguaj.

Për rrjedhojë sipas importuesve rritja e çmimeve do të jetë e pashmangshme.

Filetoja e pulës mund të shkojë në 450 lekë/kg me shumicë

Një nga produktet që pritet të preket më shumë është gjoksi i pulës, i cili përdoret gjerësisht edhe në industrinë e përpunimit të mishit, veçanërisht për prodhimin e proshutës së pulës.

Sipas përpunuesve gjoksi i pulës përbën deri në 15% të totalit të importeve të disa kompanive.

Aktualisht çmimi me shumicë i filetos së pulës luhet rreth 320-330 lekë për kilogram. Me furnizimet e reja nga tregjet evropiane, përpunuesit presin rritje të kostos dhe vlerësojnë se çmimi i filetos mund të arrijë deri në 450 lekë për kilogram.

Sipas tyre pas Brazilit, disa nga burimet me çmime më të ulëta në tregun evropian janë Ukraina dhe Rumania, por prej këtyre shteteve aktualisht rezultojnë se çmimet janë rreth 30-40% më të shtrenjta krahasuar me produktin brazilian.

Mishi i viçit mund të shtrenjtohet me 300-400 lekë/kg

Efekt i pritët të ndihet edhe te mishi i gjedhit. Përpunuesit vlerësojnë se kostoja e furnizimit me mish nga tregjet evropiane do të jetë rreth 19% më e lartë krahasuar me furnizimet nga Brazili.

Sipas përlogaritjeve të tyre, kjo mund të sjellë një rritje të kostos së produkteve dhe nënprodukteve të mishit me rreth 12-13%.

Aktualisht, çmimi i mishit të freskët të viçit në tregun e pakicës luhet rreth 1,300-1,350 lekë për kilogram. Me furnizimet e reja, përpunuesit presin që çmimi të rritet me rreth 300-400 lekë për kilogram, duke e çuar mishin e viçit në nivele prej rreth 1,600-1,700 lekësh për kilogram.

Importet e mishit për 8-mujorin 2026, kryesohen nga Brazili

Brazili vijon të mbetet ndër furnizuesit kryesorë për mishin e pulës dhe gjethit për përpunuesit vendas. Sipas të dhënave të INSTAT, importet e grupit "Mish dhe të brendshmet e ngrënshme të mishit" për periudhën janar - gusht arritën 10,7 mln Ton. Importet nga Brazili përbënë 33% e totalit të sasisë së importuar të grupit.

Pas tyre, peshën kryesore për importet e grupit të mishit e zënë ato nga SHBA, e ndjekur nga Greqia dhe shtete të tjera evropiane.

Ndryshimet hynë në fuqi nga 3 Shtatori

Ndalimi i mishit të importit nga Brazili vetëm për ato stabilimente që nuk janë të certifikuara sipas rregullave të BE ka nisur zbatimin nga 3 Shtator 2026.

Ministria e Bujqësisë dhe Zhvillimit Rural ka kërkuar nga Autoriteti Kombëtar i Ushqimit (AKU) që të marrë të gjitha masat e nevojshme për informimin e operatorëve që importojnë mish gjedhi dhe mish shpendësh nga Brazili, pas ndryshimeve të fundit në rregullat e Bashkimit Evropian.

Në një shkresë zyrtare dërguar më herët operatorëve, Ministria sqaron se importi në Shqipëri i mishit të gjedhit dhe mishit të shpendëve me origjinë nga Brazili është i kushtëzuar nga miratimi i zonave dhe stabilimenteve të prodhimit nga Bashkimi Evropian.


Ky kusht përcaktohet në Urdhrin e Ministrit nr. 294, datë 13 qershor 2006, "Për importin e mishit nga Republika Federale e Brazilit". Sipas shkresës së Ministrisë, Rregullorja Zbatuese e Komisionit Evropian (BE) 2026/1189 ka ndryshuar Rregulloren (BE) 2021/405, duke sjellë kufizime të reja për përdorimin e disa produkteve antimikrobike mjekësore.

Si rezultat i këtij ndryshimi, Brazili është hequr nga lista e vendeve të treta ose rajoneve të tyre të autorizuar për hyrjen në Bashkimin Evropian të dërgesave të disa kafshëve dhe produkteve me origjinë shtazore të destinuara për konsum njerëzor.

Ky ndryshim ka efekt edhe në zbatimin e rregullave shqiptare, pasi Urdhri nr. 294/2006 e lidh importin e mishit nga Brazili me miratimin e zonave dhe stabilimenteve nga BE-ja.

Ministria thekson se, për sa kohë që ky kusht mbetet në fuqi, ndryshimet e sjella nga Rregullorja e re evropiane "reflektohen drejtpërdrejt në zbatimin e këtij urdhri".

Ministria përcakton se ndryshimet që burojnë nga Rregullorja Zbatuese e Komisionit (BE) 2026/1189 fillojnë të zbatohen nga 3 shtatori 2026. /Monitor





Të sugjeruara

KLSH zbulon parregullsi të rënda/ Krizë financiare te "Trajtimi i Studentëve" në Korçë

"O shok i Agasit"/ Fundo ia numëron socialistit: 13 vite në pushtet, e njëjta narrative

Gazetari: Mazhoranca ka sulmuar drejtësinë e re për rastin e Veliajt, ka "masakruar" prokurorin Dadon

"Media e ka denoncuar"/ Gazetari: Rama asnjë reagim për inceneratorët, nuk mban përgjegjësi morale

"Në radhë për një takim me Agasin"/ Elvi Fundo zbulon "bëmat" e kabinetit të Ramës

Fundo i "përvishet" Klosit: Shtetit i vunë "zjarrin", mazhoranca e Agasit

Gazetari "plas bombën": Ergys Agasi ishte në fushatën e PS-së në Durrës

Mbi 4 muaj protestë/ Qytetarët vijojnë thirrjet për dorëheqjen e Ramës

Shfaqet për herë të parë në publik/ Kush është kreu i komanduar i SHISH-it, Elvis Lila

AKSK paralajmëron qytetarët: Kujdes me llogaritë në Whatsapp, mund të humbni aksesin

Zjarr i madh në Memëlisht, rrezikohet zona pyjore

Garda pengoi gazetaren të raportonte/ Reagon AGSH: Mohim i aksesit për të ushtruar detyrën

Zgjerimi i BE-së/ Ndërkombëtarët: Shqipëria ka ndërmarrë hapa pozitivë

Anëtarësimi në BE/ Rama: Shqipëria përparësi ndaj vendeve të tjera

Burimas, protesta për ujin/ Banorët kundër projektit për furnizimin e Zvezdës

Skandali / Drejtuesit e SHISH vodhën targat e SPAK-ut, ja kush lëvizte me mjetin

Korça votoi PRO bashkimit me Maliqin/ Maliqi voton KUNDËR bashkimit me Korçën

Komiteti Anti-Trafikim mbledhet në Prefekturën e Korçës/ Në fokus parandalimi dhe identifikimi i rasteve

KËSHILLI BASHKIAK KUNDËR BASHKIMIT ME KORÇËN


Ambasadorja e BE-së: Të vazhdojnë reformat dhe funksionimi i institucioneve të pavarura

[editorial](#)

09:11 Editorial Bujar Leskaj

Të ndihmojmë SHISH-in të mbrojë shtetin nga krimi, dhe jo krimin nga shteti!!

CNA LIVESTREAM



Na ndiqni edhe në



[acromax](#)

19:53 Acromax / Aldor Nini

Skandali- dokumenti/ Acromax i Aldor Ninit raportoi CNA duke abuzuar me RTSH

[opinion](#)

16:23 Opinione Albana Vokshi

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.